

《聽見》

日期：2018/09/13

角色表

陳偉俊

18 歲，大學一年級生，修讀心理系。患有早發性青光眼，15 歲時視力幾乎為 0。性格樂天，正面，喜歡冒險和接受挑戰，包咬頸。喜歡穿偏亮顏色的服裝，如淺藍，紅色，白色。

陳偉俊父

年近 50，建築業工頭。反對陳偉俊在澳門升讀大學，原本期望他在外國留學，認為本澳對身障學生支援不足，擔心會為陳偉俊造成不便，以及因成績追不上而有學業壓力，亦擔心他會被同學排斥。

陳偉俊母

年近 50，原本為文員，在陳偉俊高中臨近畢業時打算與他一同到外國照顧他，所以辭去工作，但因他表示想在本地升讀，雖然也有擔心，但仍然表示支持。

Crystal

18 歲，與陳偉俊青梅竹馬。出身小康之家，為人大方，不拘小節，享樂主義，喜歡打扮。

Joe

19 歲，Crystal 男友。

Steven

19 歲，陳偉俊同學。出身貧窮家庭，因此發奮用功讀書，獲取獎學金入讀大學，所以視成績如命。衣著簡單樸素，不打扮。

Sc1

時間：日

地點：街上

人物：陳偉俊，Crystal，路人

△ 陳偉俊和 Crystal 在行人過路燈旁站著。燈號由紅轉綠，燈上的發聲裝置亦隨之轉變。二人過馬路，走向一間超市。

陳偉俊(V.O.)：

我個名叫陳偉俊，我阿爸希望我將來會做個偉人，而我阿媽就有咁大諗頭，只係想我大個咗夠英俊，所以幫我改咗呢個名啦。

Sc1A

時間：日

地點：超市內

人物：陳偉俊，Crystal

△ 陳偉俊用手掃著冰箱裡排列整齊的飲品，由瓶裝掃到罐裝。

Crystal(O.S.)：

想飲咩呀？

△ Crystal 走到陳偉俊身旁。

陳偉俊：

可樂囉。

Crystal：

喲。

△ Crystal 把一罐梳打水遞到陳偉俊手邊。

陳偉俊：

等等先，你又黎？我賴過一次嘢，唔會再上當㗎啦。

△ 陳偉俊沒有接 Crystal 的飲品，從口袋中拿出一個顏色識別器。他把識別器貼著那罐飲品。

識別器(V.O.)：

黑色。

△ 陳偉俊再用顏色識別器貼向冰箱裡一罐罐的飲品。識別器每貼向一罐飲品，就讀出該罐的顏色。陳偉俊一直重覆動作，直至識別器讀出「紅色」，才將那罐飲品拿起。

陳偉俊(V.O.)：

呢個係我老死 Crystal，雖然佢間中會咁樣整蠱我，但都係冇惡意嘅，佢都係想我健康啲姐。

Sc1B

時間：日

地點：街上

人物：陳偉俊，Crystal，路人

△ 陳偉俊和 Crystal 在街上走著。

陳偉俊(V.O.)：

你哋冇估錯，我係一個失明人士。其實我都唔係一出世就睇唔到嘢㗎，喺升初中嘅時候，唔知做咩對眼睇嘢越黎越唔清楚，醫生話係青光眼㗎，到高中就睇唔到嘢啦。

Sc2

時間：夜

地點：陳偉俊家中

人物：陳偉俊，Crystal，陳偉俊母，陳偉俊父

△ 陳偉俊父在客廳看電視，陳偉俊母在廚房煮飯。

△ 陳偉俊和 Crystal 回到陳偉俊家中，陳偉俊母上前歡迎。

陳偉俊母：

Crystal，上咗黎呀？就黎煮好飯啦，今晚食埋先走呀。

△ 陳偉俊用手輕輕撞了 Crystal，給她暗號。

Crystal：

阿姨啊，我同阿俊都考到同一間大學啊。

陳偉俊父：

吓？你都去英國咩？之前冇聽你提起嘅？

△ Crystal 面有難色。

Crystal：

其實呢.....阿俊係想留嚟澳門讀呀。

陳偉俊父：

咩話？留嚟澳門讀！？澳門嘅配套幫到你咩？到時如果你跟唔上，未又係盞自己辛苦同唔開心，為乜呀？

陳偉俊母：

係呀仔，始終外國都先進啲，你讀都讀得舒服啲㗎。

陳偉俊：

你哋唔好將澳門睇得咁落後好唔好呀，而家廿一世紀啦！

陳偉俊父：

咁又點呀？仲有你啲同學呢？你對眼咁樣，佢哋會接受你咩？唔會嫌你麻煩咩？就算把口唔講，唔代表個心唔會咁諗呀！

陳偉俊：

咁佢哋唔知未得囉！到時我扮睇到嘢！

陳偉俊父：

點扮呀！？

陳偉俊：

你唔洗理，Crystal 會幫我㗎啦！

△ 陳偉俊及其父母都看向 Crystal。

Crystal：

吓？

Sc3

時間：日

地點：大學

人物：陳偉俊，Crystal

Montage

Crystal(V.O.)：

嘩，我而家就帶你去平時會用到嘅課室，Canteen，圖書館之類，你記住要行幾耐同點樣行啦。

- △ 二人在學校走廊走著，邊走邊數著步數。
- △ 其中一間課室內，Crystal 介紹著課室內的設備位置。
- △ 二人在圖書館內走著，Crystal 向陳偉俊形容圖書館的格局及出入口和自修區的位置。
- △ 二人到達 Canteen，Crystal 帶陳偉俊到座位的位置。

Sc4

時間：日

地點：大學課室

人物：陳偉俊，Crystal，Steven，教授，同學數名

- △ 課室內，教授站在教壇準備著，因為投映機接口接觸不良，有時會收不到電腦的畫面，教授正在調較著。
- △ 數名同學已在較後的座位上，有的用手提電腦預習課堂內容，有的在玩手機。
- △ Crystal 挽著陳偉俊的手，與他一起走到兩個最前排的座位。
- △ 教授看著二人，點頭打了個招呼，Crystal 亦向教授問好，陳偉俊聽到後亦向教授問好。

Crystal：
教授早晨。

陳偉俊：
早晨。

- △ Steven 匆忙趕到課室，隨便找個座位，坐到了陳偉俊旁邊。
- △ 教授看了看手錶，再環顧課室四周，宣佈開始上課。

教授：

好，時間差唔多啦，我哋開始上堂。

△ 陳偉俊用手提電腦記下課堂重點，不時用讀字軟件確認一下自己所打的內容，因為他只戴著一邊耳機的關係，聲音從另一邊耳機傳了出來，雖然聽不到內容，但旁邊的 Steven 隱約聽到一些聲音，小聲地問陳偉俊在聽什麼。

Steven：

你聽緊咩呀？

△ 陳偉俊正在想該如何回答之際，Crystal 幫忙解圍。

Crystal：

冇，佢聽歌姐。

△ Steven 不疑有他，亦沒再理會。

教授：

好啦，兩個星期後要做 group presentation，大家盡快交分組名單同埋題目比我。

同學們：

吓！？

教授：

唔洗吓喇，放學。

Steven(對二人說)：

咁不如我哋一組啦。

陳偉俊：

冇問題呀。

Crystal：

嗯.....好啊.....

Steven：

咁我哋返去各自搵資料先，星期日去圖書館一齊傾下啊？

陳偉俊：

OK！

Sc5

時間：日

地點：陳偉俊家

人物：陳偉俊，Crystal(V.O.)

△ 陳偉俊剛換好衣服，就接到 Crystal 的來電。

Crystal(V.O.)：

喂，我差唔多出門口喇，洗唔洗過黎接埋你呀？

陳偉俊：

我自己去未得囉，費事要你男朋友特登兜過黎啦。

Crystal：

佢今日要返工呀，我諗住自己搭車過黎先咋。

陳偉俊：

咁唔好走黎走去喇，我哋直接喺門口等未得囉。

Crystal：

OK，咁你自己小心啲喇，等陣見。

陳偉俊：

好啦，bye bye。

Sc5A

時間：日

地點：街上，圖書館前

人物：陳偉俊，Crystal

Montage

△ 街上，陳偉俊用手機開 Google Map 尋找去圖書館的路線。

△ 陳偉俊聽著導航的指示走著。

△ 陳偉俊到達圖書館前。

△ 陳偉俊在圖書館前等著，剛好 Crystal 抵達。

Crystal：

阿俊！

陳偉俊：

Hello Crystal。

Crystal

我哋入去啦。

△ Crystal 挽著陳偉俊的手，一起走進圖書館。

Sc5B

時間：日

地點：圖書館自修區

人物：陳偉俊，Crystal，Steven

△ Steven 已在其中一張枱上準備著資料，Crystal 與陳偉俊一起走過去並坐下。

陳偉俊：

喂，知唔知廁所係邊啊？

Steven：

喺個邊囉，嚟住嗰度行到盡頭，左邊就係喇。

△ 陳偉俊因為看不到 Steven 所指的方向，Crystal 立即走到他身旁，用手將他的身體轉向 Steven 所指的方向。

Crystal：

呢邊啊。

△ 陳偉俊跟著 Steven 的指示走向廁所。

△ Steven 和 Crystal 一起整理 PPT，Crystal 看到 Steven 的 PPT 上滿滿的文字，提議修改。

Crystal：

啲字不如用 **point form** 出重點，旁邊放啲圖咁。字可以放左邊，圖放右邊。

△ Steven 跟著 Crystal 的指示修改，卻將文字和圖左右掉轉了。

Crystal :

咦？字放左，圖放右啲。

Steven :

未啱囉，字放左——係啲，又左右不分添。

Sc5C

時間：日

地點：圖書館女廁

人物：陳偉俊，女生

△ 陳偉俊走進了廁格，開始小便。

△ 一位女生走了進來，到鏡前整理儀容。

△ 陳偉俊小便完，在整理褲子及沖廁。他開了廁格的門準備出去。

△ 女生整理好儀容，在陳偉俊出來時，剛好走入他旁邊的廁格。

Sc5D

時間：日

地點：圖書館自修區

人物：陳偉俊，Crystal，Steven，Joe

△ Crystal 和 Steven 在整理 PPT，陳偉俊回到座位並加入討論。

陳偉俊：

我搵到啲其他地方嘅數字做對比呀，你哋睇睇呀。

Steven :

唔錯啲，但好似仲需要啲 Theory 去 support，我去搵下書先。

Crystal :

我都係咁諗，咁我同 Steven 去搵下書做參考，阿俊你就將你搵到嘅 data 加埋入去，再睇下仲差啲咩。

陳偉俊：

OK。

- △ Crystal 和 Steven 分頭走向圖書區的兩邊。
- △ 兩人各自在不同的書架上找書。
- △ Crystal 在找書期間，突然有一雙手從後輕輕矇住她的雙眼。Crystal 轉身，發現對方是她男友 Joe。

Crystal：

你唔係返緊工咩？做咩喺度嘅？

Joe：

我頭先做嘢經過附近嘛，知你今日喺度傾功課未過黎望下你囉。

- △ Steven 在找書過程剛好走到 Crystal 和 Joe 的書架附近，看到她們二人互動親密，誤以為 Crystal 背著陳偉俊有第三者。
- △ Steven 回到座位，正在想是否要告知陳偉俊。

Steven：

阿俊啊.....即係呢.....

- △ 這時 Crystal 和 Joe 剛好在陳偉俊的前方遠處經過。Steven 見到二人，立即坐到陳偉俊正前方，企圖擋住陳偉俊的視線。

陳偉俊：

做咩呀？

Steven：

哦...冇...呢個位冇對得個風口咁正。

陳偉俊：

哦，係啊。搵成點呀，搵唔搵到呀？

Steven：

啊.....

- △ Crystal 拿著兩本書回來。

Crystal：

我搵到兩本書應該可以用黎參考啊。

陳偉俊：
咁樣應該差唔多齊料啦。

Crystal：
咁今日差唔多啦，我哋返去再睇睇呢兩本書，再執埋啲 Reference 應該就搞掂喇。

Steven：
咁好啦，bye。

陳偉俊&Crystal：
Bye。

Sc6

時間：日

地點：盲人中心

人物：陳偉俊，Crystal

△ 陳偉俊和Crystal在盲人中心內。陳偉俊在用中心的ClearReader+文字辨識器，來聽Crystal在圖書館借來的兩本書的內容。Crystal幫陳偉俊將書的部份頁面用掃描器變成讀字軟件可讀的文字檔。

△ 二人各自對著手提電腦埋頭苦幹。

Crystal：
搞成點呀？

陳偉俊：
等多陣.....好，搞掂晒。而家 print out 埋份 speech 出黎就 OK 喇。

△ 陳偉俊在電腦上按了列印的選項，點字打印機隨即將文字轉換成點字，印壓在紙上。

△ Crystal把印好的紙交給陳偉俊。

Crystal：
好，完——

陳偉俊：
希望到時順利啦。返去囉。

△ 二人收拾東西離開。

Sc7

時間：日

地點：大學外

人物：陳偉俊，Crystal(V.O.)，Steven

△ 陳偉俊到達學校附近，突現收到 Crystal 的來電。

Crystal(V.O.)：
阿俊，前面撞車，而家勁塞啊，我會遲啲先黎到呀。

陳偉俊：
吓！？咁點算呀？

Crystal(V.O.)：
或者你唔好入去住，去搵個地方坐下先，我到咗再同你會合啊。

陳偉俊：
唯有係咁啦。

△ 陳偉俊掛了電話，正在想要去哪裡時，Steven 剛好到了，並跟陳偉俊打招呼。

Steven：
阿俊，做咩企喺度唔入去呀？

陳偉俊：
吓.....啊.....

△ 沒有等陳偉俊回答，Steven 搭著陳偉俊的肩膀，推著他一起進學校。

Sc7A

時間：日

地點：大學課室

人物：陳偉俊，Crystal，Steven，教授，同學數名

△ 陳偉俊和 Steven 到達課室，找了個位置坐下來。

Steven：

咦？唔見 Crystal 同你一齊嘅？

陳偉俊：

哦...我打俾佢睇下去到邊先。

△ 陳偉俊致電給 Crystal。

陳偉俊：

喂，你去到邊呀？我同 Steven 到咗喇。

Crystal(V.O.)：

吓？未叫咗你唔好入去住囉。

陳偉俊：

係呀，我頭先咁啱撞倒 Steven 呀。哦？你前面撞車呀？咁應該遲啲先返到黎啎。

Crystal(V.O.)：

又會咁啱俾佢撞倒嘅，咁我睇下有冇方法盡快返黎啦。

陳偉俊：

嗯，bye bye。

Steven：

佢有冇講仲要幾耐返到呀？

陳偉俊：

佢都講唔埋呀。

△ 時間慢慢過去，一組組的同學都完成了 presentation，只剩下陳偉俊他們這組，同學和教授都看向他和 Steven。

Steven：

等唔到喇，上啦。

- △ 陳偉俊和 Steven 走到教壇準備著。
- △ 陳偉俊走到投映幕旁邊，Steven 在操控電腦。

陳偉俊：

我哋今日嘅 topic 係” 男女性嘅參與賭博行為嘅比較”。大家首先睇下，圖入面係 2016 年有參與賭博人口嘅性別同年齡分佈。

- △ 陳偉俊指向投映幕，上面並無 PPT 的內容，但他因為視力問題看不到。同學們對於投映機故障但陳偉俊卻沒有停下來感到疑惑。

陳偉俊：

可以睇到，參與賭博嘅人入面，有接近七成係男性。

- △ 同學們開始竊竊私語。陳偉俊聽到，也疑惑地停了下來。

Steven：

阿俊，個 projector 有少少問題.....

- △ 陳偉俊沒有說話，Steven 繼續說。

Steven：

其實由你一開口，個 screen 就有嘢睇，但你好似留意唔到咁.....

- △ 全場一片安靜，大家都在看著陳偉俊，但陳偉俊沒有說話。這時 Crystal 趕到。
- △ 陳偉俊猶豫了一會，終於開口。

陳偉俊：

係！其實我對眼係睇唔到嘢！

- △ 全場繼續安靜。Crystal 慢慢走到陳偉俊身邊，拍了拍他的肩膀。

Steven：

我都比你呃得透喇，唔怪得硬係覺得你有啲唔對路啦。

同學甲：

Steven 你咪馬後炮啦！

同學乙：

你點解可以呢晒我哋咁多個人嘅？

陳偉俊：

其實而家科技好進步㗎喇，即使係紙本嘅書都可以用一啲儀器幫我報出黎，亦都有儀器同手機 APP 去幫我哋分顏色都紙幣面額。所以，你哋係用對眼黎睇呢個世界，而我就係用對耳。

Steven：

早知嗰日喺圖書館我就唔洗咁驚啦！

陳偉俊：

嗰日發生咩事呀？

Steven：

未就係見到 Crystal 同第二個男仔——

△ Steven 說到一半剛好看到 Crystal，立即住口。

Crystal：

你以為我同阿俊拍拖？

陳偉俊：

你諗多咗喇，佢有男朋友㗎喇，你咪亂講嘢呀。

同學乙：

Steven 你樣衰咗喇。

△ 全班大笑。

—完—